




ՄԵՌՈՆՈՐՀՆԵՔԻ ՀԱՆԴԻՍՈՒԹՅՈՒՆՆԵՐ ԱՆԹԻԼԻԱՍՈՒՄ

«Միտոմը ձեթ է ու ծաղիկ՝ իբրեւ մի-
թեղէն գոյութիւն: Բայց մեզի համար կը
փոխակերպուի խորհուրդի, իմաստի ու
կեանքի, երբ կը հանդիպի մեր հաւատքի
հրաշակերտող հոսանքին ու ազգային գի-
տակցութեան ներգոր կրակին»:

ԳԱՐԵԳԻՆ Բ Կաթողիկոս Մեծի Տանն Կիլիկիո

Ս. թ. հոկտեմբերի 9-ին Ամթիլիասում,
Մեծի Տանն Կիլիկիո Կաթողիկոսության
Ս. Աթոռում, տեղի ունեցավ սրբալույս Մե-
ռոնի օրհնության սրբազան արարողու-
թյունը: Այդ առթիվ Մեծի Տանն Կիլիկիո
Գարեգին Բ կաթողիկոսը պաշտոնական
գրությամբ էր ուղարկել Մայր Աթոռ Ս. Էջ-
միածին՝ հրավիրելով Ամենայն Հայոց Հայ-
րապետությանը մասնակցելու Մեռոնօրհ-
նեքի հանդիսություններին: Ընդառաջելով
եղբայրական այդ հրավերին՝ ազգիս Վե-
հապետ Հայրապետ Վազգեն Ա կաթողի-
կոսը, որպես Մայր Աթոռի ներկայացու-
ցիչներ, Ամթիլիաս ուղարկեց Ս. Էջմիածնի
Մայր տաճարի լուսարարապետ Ս. Հուսիկ
արքեպիսկոպոս Սանթուրյանին և Մայր
Աթոռի միաբան Ս. Սերովբե արեղա Իսա-
խանյանին:

Մայր Աթոռի ներկայացուցիչները Ամթի-
լիաս են հասնում հոկտեմբերի 5-ին և
նույն օրն իսկ ընդունվում Գարեգին Բ կա-
թողիկոսի կողմից: Վեհապետը նախ բարի

գալուստ է մաղթում նրանց, ապա իր ու-
րախությունը հայտնում Ամենայն Հայոց
կաթողիկոսի ներկայացուցիչների քարե-
բաստիկ ժամանման առթիվ: Ընդունելու-
թյան ընթացքում Ս. Հուսիկ արքեպիսկո-
պոսը Տանն Կիլիկիո Աթոռի գահակալին
է փոխանցում Հայոց Հայրապետի ջերմ ող-
ջույնները և, որպես հայրենական հիշա-
տակ, նրան հանձնում Նորին Սրբության
ուղարկած արծաթակուռ մեռոնաթափ ա-
ղավմին ու Կիլիկիո Հայոց թագավոր Լևոն
Բ-ի գունագեղ մեկ մանրանկարը:

Հոկտեմբեր 4—7 օրերին Ամթիլիաս են
ժամանում նաև Երուսաղեմի հայոց Պատ-
րիարք Ս. Եղիշե արքեպս. Տերտերյանի
ներկայացուցիչ Ս. Կյուրեղ եպս. Գաբիկ-
յանը, ինչպես և Մեծի Տանն Կիլիկիո Կա-
թողիկոսության միաբան արքեպիսկոպոս-
ներն ու եպիսկոպոսները, վարդապետներ
ու քահանա հայրեր:

Մեռոնօրհնեքի հանդիսությունները, հա-
մաձայն նախապես պատրաստված հայ-

տագիր-ժամանակացույցի, սկիզբ են առնում հոկտեմբերի 8-ին Անթիլիասի Ս. Գրիգոր Լուսավորիչ Մայր տաճարում Թարգմանչաց տոնի առիթով մատուցված ս. պատարագով: Պատարագիչն էր Կիլիկյան ուխտի միաբան Ս. Անուշավան Ժ. վրդ. Դանիելյանը:

Նույն օրը, երեկոյան ժամը 19-ին, գլխավորությամբ Ս. Ս. Գարեգին Բ կաթողիկոսի, քահանայից, վարդապետաց և եպիսկոպոսաց դասը Վեհարանից թափորով առաջնորդվում է Ս. Գրիգոր Լուսավորիչ Մայր տաճար, ուր տեղի է ունենում Հրակումի հոգեպարար արարողություն: Հավարտ արարողության Մեծի Տանն Կիլիկիո աթոռակալը սրբազան տաճարի խրճիկայրույր ու խորհրդավոր կամարների ներքո հայցում է ամենակալ Աստծուն, որ արժանացնի բոլորին մասնակից դառնալու Մեռոնօրհների արարողությանը, զորավիզ ու ասպվեն լինի հայ ժողովրդին ի Հայաստան և ի սփյուռս աշխարհի, պարզևի խառնադրություն լիբանանյան հայրենիքին, որի փոթորկահույզ ու խավար երկինքը ահա արդեն երկրորդ տասնամյակն է, ինչ կարոտ է խաղաղության աղավնու լուսավոր ճախրանքին:

ՀԱՆԴԻՍԱՎՈՐ ՍՈՒՐԲ ՊԱՏԱՐԱԳ ԵՎ ՄԵՌՈՆՕՐՀՆԵՐ

Հոկտեմբերի 9: Կիրակի: Հակառակ Լիբանանի տազնապալի ու անապահով կացությանը, վաղ առավոտյան հայորդիները՝ այդ թե կին, ծեր թե երիտասարդ, խմբվում են Մայրավանքի բակում՝ վերանորոգելու իրենց հավատքը հույսի ու սիրո ներշնչումներով, հույսի ու սիրո՝ հանդեպ Հայ Եկեղեցու ու նախնյաց հավատքի, հանդեպ հայոց հայրենիքի, հանդեպ հայության արդար դատի ու երազանքների հաղթանակի: Յոթ տարին մեկ անգամ խմբվում են հայորդիները՝ հաղորդվելու հոգեմորոգ այս արարողությանը, առանձին խորհրդավորությամբ ու շուքով, որովհետև, ինչպես շեշտում է Գարեգին Բ կաթողիկոսն իր քարոզի մեջ՝ «Միտոնը մեր Եկեղեցույ ամենէն նուիրական սրբութիւններէն մեկն է: Սուրբ խաչէն ետքը ամենէն շատ յարգուած, ժողովուրդի կեանքին մէջ այնքան տիրականօրէն ներկայ. եւ անոր պատրաստութիւնը չի նմանիր աշխարհի ունէ մէկ ուրիշ եկեղեցիի մէջ Միտոնի պատրաստութեան: Մեզի համար իւրայատուկ է այս արարողութիւնը»:

Առավոտյան ժամը 9.30-ն է: Ս. Գրիգոր Լուսավորիչ Մայր տաճարի զույգ զանգերը դողանջով, եկեղեցականների դասի ու-

ղեկցությամբ, Գարեգին Բ կաթողիկոսը, իր շուրջն ունենալով տասներկու զգեստավորված եպիսկոպոսներ ու սրբեպիսկոպոսներ, հավատացյալ հայորդիների ուրախ ու զվարթ հայացքների ներքո Վեհարանից առաջնորդվում է դեպի Մայրավանքի շրջատաշնորդվում է 1915 թ. Ապրիլյան նաշափակում գտնվող 1915 թ. Ապրիլյան նաշափակների հուշարձան-մատուռի առջև պատրաստված խորան: Սկսվում է ս. պատարագը, որը, համաձայն Մաշտոցի, շարունակվում է մինչև «Ողջոյն»-ի պահը: Մինչ այդ, միաբան հայրերը՝ գլխավորությամբ Ս. Ղևոնդ, Ս. Արտավազդ ու Ս. Վարդան սրբազանների, Ս. Գրիգոր Լուսավորիչ Մայր տաճարից պատարագի Ս. Սեդան են քերում հին Մեռոնը, ապա Ամենայն Հայոց Հայրապետի կողմից ուղարկված Մեռոնը, անուշաբույր բալասանը և Մեռոնօրհների շղարշապատ կաթսան, որ քառասուն օրեր շարունակ զևտեղված էր մնում տաճարի աղոթաբույր կամարների ներքո:

Սկսվում է Մեռոնօրհների սրբազան արարողությունը: Նախ զգեստավորված եպիսկոպոսներն ու արքեպիսկոպոսները, Գարեգին Բ կաթողիկոսը հերթով ընթերցում են Մաշտոցից համապատասխան հատվածներ, որոնց ընդմիջումներին ղրպարաց դասը երգում է «Որ յառաջագոյն յօրէնս» շարականը, Մեռոնօրհների «Հայր Ամենակալ» մեղեդին և Ներսես Ծնորհալի հայրապետի գրած «Նոր օրհնութիւն»-ը:


Ապա Տանն Կիլիկիո գահակալը «Առաքելոյ Աղանդ» շարականի երգեցողությամբ Մեռոնի կաթսայի մեջ է լցնում անուշաբույր բալասանը, հին Մեռոնը, որպես անցյալը ներկային շաղկապող խորհրդանիշ, ապա Մայր Աթոռ Ս. Էջմիածնում օրհնված Մեռոնը, որպես Հայ Եկեղեցու անքակտելի ու անբեկանելի միության խորհրդանիշ: Երջանիկ է հայ ժողովուրդը: Մայրավանքի շրջափակը լցվում է ծափողջույններով, դեպի երկինք են թևավածում սպիտակ աղավնիները:

Այնուհետև Գարեգին Բ կաթողիկոսը «Օրհնեսցի եւ սրբեսցի Մեռոնս այս նշանաւ» բառերն արտասանելով Ս. Գրիգոր Լուսավորչի Աջով երեք անգամ տեառնագրում է նոր Մեռոնը և ապա ընթերցում Մեռոնօրհների վերջին աղոթքը. «Արդ, այժմ և մէք պատրաստելով զսա որպէս կաթո՞ն՝ մատուցանեմք, զի ամենեքեան, որ ի սմանէ առնուցուն՝ արժանի լիցին ընդունել զհաստատուն կերակուր, զճշմարիտն, զերկնայինն՝ ի շնորհաց Միածնի քո Տեառն Մերոյ Յիսուսի Քրիստոսի...»:

Արարողության ավարտին Կիլիկյան Աթոռի գահակալը ոգեշունչ քարոզով ներ-

կաներին նախ բացատրում է Մեռոնի դերն ու նշանակությունը հայ ժողովրդի կյանքում՝ ի մասնավորի նշելով. «Հայ ժողովրդի դարաւոր գոյութեան խորհրդանշներէն մէկն է Միւռոնը, եւ Միւռոնի օրի-

իր ներկայացուցիչները դրկած է, իր մասնակցությունը բերելու համար այս Միւռոնօրհներէի սուրբ արարողութեան: Սա պահուն բեմին վրայ է Յուսիկ արքեպիսկոպոսը, որպէս ներկայացուցիչ Մեր աւագ



Ս. Էջմիածնից տարված մեռոնի միախառնումը նոր օրհնվող մատնին

նութիւնը յատուկ գրաւչութիւն մը ունի մեր ամբողջ ժողովուրդի համար»:

«Այսօր ո՛վ է այն հայը, որ չի հպարտանար թէ իր ճակտին հայու Միւռոն ունի, եւ նկատեցիք դուք, որ երբ վերջերս ողբերգական դէպքերէն ետքը Ագրայէճանի մէջ, Միւռոն չտեսած մեր ժողովուրդի գաւաւները Սումկայիթէն եւ այլ շրջաններէ գաղթական եկան Հայաստան, Ս. Էջմիածնի մէջ առաջին պարտականութիւնը եղաւ Հայոց Կաթողիկոսին՝ մկրտել եւ դրոշմել, կնքել զանոնք իբրեւ հայ»:

Քարոզի ընթացքում Գարեգին Բ Կաթողիկոսը ուրախ ու գոհունակ արտով ողջունում է Ամենայն Հայոց Հայրապետության մասնակցությունը Մեծի Տանն Կիլիկիո Կաթողիկոսության Մեռոնօրհներին՝ մատնանշելով. «Մենք անհունօրէն ուրախ ենք, որ այսօր, Մեր յիշողութեան մէջ առաջին անգամ ըլլալով, եւ ընդառաջելով Մեր հրաւերին, Ամենայն Հայոց Հայրապետը

Եղբոր՝ Ն. Ս. Օ. Տ. Տ. Վազգէն Ա Կաթողիկոսին. դուք ձեր աչքերով տեսաք Ս. Էջմիածնի ներկայութիւնը մեր Միւռոնօրհներին մէջ, Հայաստանի հողին ներկայութիւնը, հայ ժողովուրդի հոգիի միասնութիւնը, միաձուլումը մեր հետ այսօր: Կ'ուզեմ որ բոլորդ ալ այսօր ցնծաք Հայաստանեայց Եկեղեցւոյ անբեկանելի, անխախտելի, անալլալելի միութեան այս գեղեցիկ արտայայտութեան համար. ու կը հատատանք եւ կը հաստատենք—որովհետեւ մեր հոգիին ձայնն է այդ, ինչպէս մեր արեան գոյնն է կարմիր, այնպէս եւ ձայնն է ջինջ ու հարազատ—թէ՛ այնքան ատեն որ մենք ունինք երկու Կաթողիկոսութիւններ, պիտի մնանք միշտ մէկ Եկեղեցի: Ան որ Միւռոնով կ'օծուի, անոր համար Էջմիածնական ու անթիլիասական չկայ, անոր համար թէ՛ Էջմիածնական կայ եւ թէ՛ անթիլիասական, որովհետեւ մէկ է Հայ Եկեղեցին եւ անոր սիրտի երկու անբաժան

մասնիկներն են Ս. Էջմիածինը եւ Կիլիկեան դարաւոր Աթոռը: Հետեւաբար, Սըրբազան Հայր եւ Հայր Սուրբ, նախամեծայր Մայր Աթոռին տարեք Մեր եղբայրական սիրոյ ողջոյնը եւ վկայեցէք որ Մենք կը մնանք միշտ մէկ»:

Այնուհետեւ Կիլիկյան Աթոռի գահակալը մաղթում է նաեւ, որ այս Մեռոնօրհները հայության համար դառնա գոտեպնդումի ու վերանորոգության, ազգային ոգու և գի-

վրայ եւ Ղարաբաղի մէջ: Թող այսօր այս Միտոնօրհները ամբողջ հայութեան համատ դառնայ այնպիսի պահ մը, որ ուխտի պահի վերածուի ու հաւատարմութեան»:

Վերջում քարոզիչ կաթողիկոսը իր սրբաւորներուն է առաքում առ Բարձրյալն Աստված՝ աղոթելով. «Ով Տէր երկնի եւ երկրի, պահէ այս ժողովուրդը անաղարտ, ինչպէս դուն ես անաղարտ, պահէ մեր հայրենիքը ամբողջ եւ անխռով, պահէ մեր



Անթիլիասի Ս. Գրիգոր Լուսավորիչ Մայր տաճարն ու մեռոնօրհների ընթացքը
շրջապատված ուխտավորների հոծ քաղմութեամբ

տակցության բարձրացման մի պահ. «Կը մաղթեմ որ այս Միտոնօրհներունը նաեւ բալասան մը ըլլայ մեր ժողովուրդի բազմատեսակ վերքերուն: Այո, վերքեր ունինք տակաւին, վերքեր ունեցանք նաեւ վերջերս: Մայր վերքը, որ դեռ կ'արիւնի, ցեղասպանութեան վերքն է, որ տակաւին չէ սպիացած. սա պահուն, կը գտնուինք դիմացը այս մատուռին, որուն մէջ ամփոփուած են Տէր Զօրի նահատակներու ոսկորները: Վիրաւոր է մեր ժողովուրդը նաեւ այստեղ, Լիբանանի մէջ, ուրիշ գաղութներու մէջ: Տագնապի մէջ է մեր ժողովուրդը նաեւ Հայաստանի մայր հողին

ժողովուրդը ի Մայր Հայաստան եւ ի սփիւռս աշխարհի վասն փառաց քոց եւ վասն յաղթանակի ժողովրդեանն մերոյ, յաւիտեանս յափտենից»:

Հավարտ Մեռոնօրհների, շարունակվող պատարագի «Քրիստոս ի մէջ մեր յայտնեցաւ» մեղեդու քաղցրալուր հնչյունների տակ, Գարեգին Բ կաթողիկոսը, եպիսկոպոսաց դասը և միաբան հայրեր համբուրում են սրբազան կաթսան՝ սիրոյ ու եղբայրության աստվածահաճոյ ողջոյնը փոխանցելով հավաքված հայորդիներին:

Ավարտվում է հանդիսավոր ս. պատարագը: Պատարագիչ կաթողիկոսը «Պահ-

սլանիչ»-ով և Ս. Գրիգոր Լուսավորչի Աջով օրհնում է հավատացյալներին և թափորով առաջնորդվում Վեհարանի գահասրահ: Այստեղ նա ընդունում է եպիսկոպոսների, վարդապետների, քահանա հայրերի, ազգային իշխանության ներկայացուցիչների շնորհավորանքներն ու բարեմաղթությունները այս անմոռաց ու պատմական տոնի առիթով: Ըսկ հավատացյալ հայորդիները մինչև ուշ երեկո ջերմեռանդորեն մոտենում ու իրենց դողդոջ շուրթերը երկյուղածությամբ հպում էին սրբազան կաթսային՝ մեկ անգամ ևս աղոթելով առ Բախճարյան Աստված՝ վստահալուսության ամենայն աշխարհի, վասն հայության արդար երավանքների իրականացման, վասն Հայաստանյայց Եկեղեցու միության ու անասանության:....

• •

Մեծնորհների հանդիսությունների օրերին, հոկտեմբերի 15-ին և 16-ին, Անթիփասի Մայրավանքում, հովանավորությանը Մեծի Տանն Կիլիկիո Կաթողիկոսության, կազմակերպվում է Հայ Գրքի 11-րդ ցուցահանդես-վաճառքը՝ «Նոր տեսիլքներու հույսով, նոր նվաճումներու հավատքով» խորհրդանշական անվանումով:

Բազմահարյուր հայորդիներ էին խմբվել Մայրավանքի շրջափակում տեղադրված հատուկ սեղանների առջև, որոնց վրա շարադասված էին բազմաբնույթ ու բազմաբովանդակ գրքեր՝ հաղորդակցվելու հա-

մար հայ հանճարին: Ցուցահանդեսի բացման առիթով Գարեգին Բ կաթողիկոսը իր հայրական պատգամն է հղում հավաքվածների՝ վեր հանելով հայ գրքի կարևոր դերը հայ ժողովրդի գոյատևման ու հայ լեզվի ու մշակույթի զարգացման գործում:

Ցուցահանդես-վաճառքին իրենց մասնակցությունն են բերում Մեծի Տանն Կիլիկիո Կաթողիկոսության, ինչպես նաև «Համագգային», «Շիրակ», «Սևան», «Տոնիկյան», «Գառնի» և այլ հրատարակչություններ:

Հայ գրքի 11-րդ ցուցահանդես-վաճառքը շարունակվում է մինչև հոկտեմբերի 23-ը Մայրավանքի տարածքում գտնվող Կյուլպենկյան սրահի մեջ:

Հոկտեմբերի 18-ին Վեհարանում, ի պատիվ Մայր Աթոռ Ս. Էջմիածնի ներկայացուցիչների, տրվում է հրաժեշտի ճաշ, որի ընթացքում Կիլիկյան Աթոռների գահակալը խնդրում է Ամենայն Հայոց Հայրապետին փոխանցել իր եղբայրական սիրտ ողջույնն ու շնորհակալական զգացումները: Ապա Հուսիկ սրբազանը շնորհակալության խոսք է ուղղում Գարեգին Բ կաթողիկոսին նրա ջերմ ու հայրական ընդունելության և ցուցաբերած ուշադրության համար:

Հաջորդ օրը, առավոտյան, Մայր Աթոռի ներկայացուցիչները, հրաժեշտ տալով Գարեգին Վեհափառին, ինքնաթիռով վերադառնում են Մայր Աթոռ:

ՍԵՐՈՎԱԲԵ ԱՐԴ. ԻՍԱԽԱՆՅԱՆ

